

重修甯津縣志序

粵自周禮史氏掌達四方之志志者天下之圖籍也所以備記載資攷徵存一代之實錄與史同功後世因之故漢蕭何入關先收圖籍得以周知天下之務蓋三十六郡之封疆險要以及人情之異尚土俗之異宜物產之異等歷歷可考爽煩乘太史輜軒觀風而問俗也志

奚可一日缺如我我

朝版圖益廓刪纂輯尤繁內而撰著各書  
則董之詞館外而諸行省通志刪董之  
督撫至於一郡一縣之志董其事者守  
令之責也甯津爲郡城東南富庶之地  
士食舊德農服先疇睦婣任卹涵濡  
聖朝教澤文獻必有燦然可觀者歲戊戌余  
宰斯邑案牘餘閒披閱舊志迺殘缺失

次感喟者久之蓋舊志修於康熙甲寅  
迄今垂二百餘年矣其間滄桑變遷典  
章因革與夫忠臣孝子文苑儒林貞烈  
節義凡潛德幽光漸滅不傳者何堪枚  
舉是皆縣志失修之故楊前任積堂倡  
議重修方擬妄定規條未幾奉檄而去  
遂作罷論心焉惜之迺不揣譎陋毅然  
以修輯爲己任兼喜衆邑紳與余同志

慷慨捐貲共襄盛舉遂經營百廢不顧  
其難但修輯未得通才體例弗諳即修  
亦未善昔徐碩撰嘉禾志析樓閣堂館  
亭宇爲三門列碑碣金石文字多至十  
餘卷而不立官師一門識者譏其繁所  
不必繁畧所不當畧他如方輿勝覽於  
建置之沿革關塞之險要田賦戶口之  
增減皆所未詳惟多侈陳諸名勝及古

今藝文耑以是書供憑弔題詠爲騷人  
詞客之所寄懷則可矣而無以滿後人  
攷古之心若此者體例非宜尚不可信  
今而傳後况乎抱殘而守缺也爰謀及  
都人士延請本邑孝廉吳君棠湖主總  
纂之筆蓋以孝廉者儒宿學前曾分纂  
畿輔通志三長咸具五例熟諳胸有成  
竹且本籍之軼事流傳見聞較確斯攷

訂不誣尤幸有諸儒士悉心採訪分門  
編次閱數月而歲事謹弁其端以備後  
人攷徵云爾

光緒二十六年歲次庚子四月中澣知  
甯津縣事安康祝嘉庸撰

憶前于道先丁未尋侍先君在都  
城時王又徐靳湘南兩先生公車  
北上旅次過談便言甯津縣志應  
修先君以舊志太簡遺漏頗多謠  
誤亦不少此非倉卒可辨竢歸當  
熟沓耳至己酉秋甫擬屬艸旋以  
目眚未果多尋于光緒丁丑纂修  
通志始取甯津舊志閱之誠然踈

略思欲改創而未暇也嗣于乙酉  
丙申兩就臨津書院講席益知文  
獻之不足徵蓋甯津舊志成於康  
熙十三季迄今光緒二十六年中  
隔二百二十六季矣陳迹已湮闕  
文無補顧瞻桑梓何日忘之先是  
邑侯楊公積堂已倡修志之議  
方定章程未竟已升去今邑侯

祝公伯存惜其中止而期在必行  
及至詢謀僉同遂委得總其事乃  
自星野地輿古蹟沿革以次悉行  
改創具見凡例二十六條日與邑  
衆按類分編而討論修飾之逾率  
告竣蓋上距道光丁未亦越五十  
四季矣問者老而凋謝興懷見後  
生而半多不識鄉時鄰里望衡宇

而猶疑訪古遺蹤搨殘碑而難讀  
初豈意一編猶待又歷三朝邪夫  
聚儼懿而徵聞集鄉廛而采輯得  
賢有司以爲主其能相與有成也  
固宜獨俛仰今昔不能無感慨係  
之西谷對山志武功五泉志朝邑  
皆以邑人而秉爰豈非服習水土  
樂誦清芬邪潯今者睠念宗邦追

維庭訓不辭婚宦孟晉迨羣所願  
士食舊德之名氏農服先疇之畎  
畝上稽里耜旁及街彈庶幾數典  
無忘亦如誦訓所道云爾  
光緒二十六年歲次庚子季春上  
旬邑人吳潯源謹叙



# 舊志原序

甯津原有舊志乃自明之萬厯間經邑紳王龍門司牧余順庵諸先達所手定也自地里以至藝文共八卷分四十餘類井井有條亦可以備乎一邑之觀而無俟後來者復操筆削之權矣但自我

國朝定鼎以來戶口田糧尙須更正也官師選舉尙須增補也節孝文章尙須採訪也故必詳加訂正嚴事讎校俾一時之見聞可信耳目一新乃足煥然而成一昭代之書也適奉

諭旨命天下各直省各修志書如河南陝西之式務期畫

一以昭一統之盛猗歟煌煌鉅典徧及海隅行見普  
天率土之大遐陬窮谷之遙一版一圖無不盡附輶  
軒而悉登於

天子之庭以著同文之化矣况我甯邑雖蕞爾彈丸然亦  
忝屬首善之一尺地也何至無一壤之微一滴之細  
足以附高深之萬一也哉但因府志未出不敢僭擬  
成書聊將所存舊志參以見行典章草輯一編以應  
催檄仍俟府志旣頒借材有自尙將竊取餘光以爲  
小邦潤色也故不敢遽稱爲志而姑以爲稿也云爾

康熙十三年七月旣望知縣程裕昌謹識

前修凡例

一敘事必繁之論昭法鑒也其無所關者不贅

一縣治沿革不常公署具存舊跡雖廢必書

一星野附載疆域之下星以土分且非所急也

一物產止載有益民用者其他不敢濫書

一戶口惟據近年冊籍爲定 國初及歷年無考

一官師有德政者書於宦蹟志備名宦見任不載

一人物重鄉評者於行誼志書之鄉賢必蓋棺論定生

存不書其節孝未蒙 旌表者亦然

一藝文必有關風教錄之餘無所紀

前修姓氏

纂著

明萬厯間

霸州兵備副使邑人王良貴

補訂

陝西苑馬寺少卿邑人張一通

編次

甯

津

縣

知

縣余

鏜

睢陽人

纂定

國朝康熙十三年

甯

津

縣

知

縣程裕昌

福清人

參閱

甯

津

縣

訓

導張居仁

內邱人

督梓

甯

津

縣

典

史陳復元

山陰人